

այսօր այնտեղ կազմուել է մի սերունդ, որ միանդամայն անձանօթ է ազատութեան զբաղմունքին եւ խաղառ անհաղորդ նրա յարուցած անխառն ու հմայիչ բերկրանքին: Բանական, իմացական մարդկանց բազմութիւնը դարձել է կորաբամակ անխօս մի նախիր, որ շարժուած ու ապրում է, վաստակում ու դադար է առնում վերից եկած հրամանով:

Աւելի զարհուրելին այն է, որ այն դըժարից եկողները յաճախ անզօր են նոյնիսկ այս կացութեան բոլոր սարսափն զբարւ. մարդիկ կորցրել են մտածելու եւ տանջուելու զխտակցութիւնը: Հասարակական խղճմանքի ընդարձացումն է այս:

Կարգացիք «Գրօչակ»ի հսկանքները համարում «Կարմիր բուռնցքի տակ» թղթակցութիւնը Հայաստանից, ուղղուած տարադիրներին. ահա թէ ի՞նչ է ասում դժբախտ թղթակիցը.

«Եթէ ապրում էք ծայրայեղ չքաւորութեան եւ սուր կարիքի մէջ, կիսաբաղց ու բուկոտն, եթէ մի կտոր հացի անիծեալ հոգար արճիճի պէս ճնշում է ձեր ուղեղը եւ հնամաշ ցեղատիները ծածկում են ձեր մերկութիւնը — դարձեալ երանի ձեզ:

«Երանի՛ ձեզ, որովհետեւ դուք հեռուից միայն դիտէք, ի՞նչ է նշանակում բոլշեւիկեան իշխանութիւն:

«Երանի՛ ձեզ, որովհետեւ չէք դուրս գրուել սեփի ու ամբարտաւան իշխանաւորների արապետութեան ծանրութիւնը, ուր ազիտութիւնը ղեկավարող է, դաժանութիւնը՝ մրցութեան առարկայ, խարէութիւնը՝ սրբագործուած միջոց:

«Որովհետեւ չէք տեսնում բարբերի այրասերումը, ուր ընտանիքն այլանդակուած է, ծնողները՝ կաւատ, մանուկները՝ պուռնիկ:

«Երանի՛ ձեզ, որովհետեւ ձեր շուրջը չեն վխտում վարձու եւ անվարձ լրտեսների անհամար վնասակներ, ուր սպառնալիքը մըշտընջանական է, սարսափը՝ շմեցուցիչ, կործանումը՝ մազից կախուած:

«Կաթիլ-կաթիլ քանցելն մեզնից ինչ որ դեռ եւս սուրբ էր մնացել մեր մէջ, ինչ որ մարդկային էր. անզգայ զիականեր դարձրին մեզ, անլեզու անասուններ ... խորտակեցին

մեր կամքը, եւ մարդ մեքենաների վերածեցին մեզ: Ուրանում ենք երէկուան դադափարներն ու սրբութիւնները, երբ հարկադրում են, հայհոյում ենք, երբ հրամայում են, մատնում ենք, երբ սպառնում են...»

«Իսկ դուք, դուք երջանիկ էք, ձեր կեանքն ազատ է, հոգին՝ անկաշկանդ եւ խիզճը մաքուր:

«Երանի՛ ձեզ»:

Այսպիսի սարսուցուցիչ նկարագրութիւններ մենք սովոր էինք կարդալ մեր ուսանող տարիներին մեր հին-հին ժամանակագիրների ողբերի մէջ ասիական բարբարոսութեան ատերուճների շրջաններից: «Չար եւ անիրաւ ժամանակի հանդիպեցաք». կամ «բաղում ողբոց արժանի ժամանակի հանդիպեցաք» վերջացնում էին իրենց եղերական պատմութիւնները մեր դժբախտ նախահայրերը:

Դարեր են անցել այդ ժամանակներից, եւ մենք ապրում ենք յար եւ նման նոյն սեօրերը, եթէ ոչ աւելի վատթար:

«Ծնողները՝ կաւատ, մանուկները՝ պուռնիկ»...

«Հայհոյում ենք, երբ հրամայում են, մատնում ենք, երբ սպառնում են»...

Մարդ չնշարկելու է այս տողերը կարգալիս. հոգիների ջարդ է այս, եւ ոչ միայն մարմինների: Եւ այսպէս համայն Ռուսիայում:

Արդ՝ ի՞նչպէս է դիմանում այսպիսի բեժիմը:

Ի՞նչպէս է որ տոկում է 150 միլիոն ժողովուրդը:

Ո՞ւր է բացատրութիւնն այս դժնդակ առեղծուածի:

* * *

Այս ապշեցուցիչ առեղծուածի լուծումը ըստ իս փնտաելու է երկու ճամբով — արտատաքին եւ ներքին, հոգեբանական:

Արտաքին պատճառների մէջ առաջին հերթին յիշատակելու է արտասահմանեան ընկերվարութեան, կամ այլ խօսքով Բ. Ինտերնացիոնալի ընձեռած անուղղակի ահազին անջակցութիւնը բոլշեւիզմին եւ համայնապարտութեան: Այն երկիւղը, թէ բոլշեւիզմի կործանումով Ռուսիայում պիտի իջնի, դուցէ